

Na osnovu člana 2.13 stav (1) tačka 4. Izbornog zakona BiH ("Službeni glasnik Bosne i Hercegovine" br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16, 41/20, 38/22, 51/22, 67/22 i 24/24) i člana 69. Pravilnika o provođenju izbora u Bosni i Hercegovini ("Službeni glasnik Bosne i Hercegovine", br. 27/22, 66/22 i 71/23), a u skladu sa članom 15. Poslovnika o radu izborne komisije osnovne izborne jedinice 118 - Ilijaš Općinske izborne komisije Ilijaš broj 01/1-05-6/16 od 15. 06. 2016. godine, Općinska izborna komisija Ilijaš raspisuje:

JAVNI OGLAS

za prijavu kandidata za kontrolora izbornih rezultata

I Predmet javnog oglasa

Objavljuje se Javni oglas za prijavu kandidata za kontrolora izbornih rezultata, a za potrebe imenovanja jednog (1) kontrolora izbornih rezultata u osnovnoj izornoj jedinici 118 - Ilijaš, na mandatni period od pet (5) godina.

II Poslovi kontrolora izbornih rezultata

Kontrolor izbornih rezultata obavlja sljedeće poslove:

- obučava supervizora izbornih rezultata i referente za unos izbornih rezultata;
- vrši korekcije u aplikaciji za unos izbornih rezultata matematičkih nepravilnosti u statističkim podacima na svim biračkim mjestima na kojima nisu ispoštovane sve propisane matematičke radnje i to:
 - a) vrši poređenje broja potpisa i broja glasačkih listića u glasačkoj kutiji te korigira u testu tačnosti ukoliko nije ispravno utvrđeno u testu tačnosti, isto tako mijenja upisani broj potpisa ukoliko je birački odbor umjesto broja potpisa naveo podatak broja imena na Izvodu iz Centralnog biračkog spiska;
 - b) korigira zbir broja nevažećih neoznačenih i nevažećih ostalih glasačkih listića ukoliko nije tačno izvršen;
 - c) korigira ukupan broj važećih glasačkih listića ukoliko nije ispravan i ne predstavlja sumu svih glasova po kandidatima za većinski glas ili sumu glasova po političkim partijama za sistem proporcionalnu zastupljenost;
 - d) korigira zbir ukupnog broja nevažećih glasačkih listića i ukupnog broja važećih glasačkih listića ukoliko nije ispravno utvrđen;
 - e) korigira u testu tačnosti poređenje ukupnog broja glasačkih listića u glasačkoj kutiji i zbira ukupnog broja nevažećih glasačkih listića i ukupnog broja važećih glasačkih listića ukoliko nije ispravno utvrđeno.

III Uslovi za imenovanje

Opći uslovi:

- Prijavljeni kandidat je državljanin Bosne i Hercegovine s pravom glasa.

- Za kontrolora izbornih rezultata ne može biti imenovano lice (član 2.3.Izbornog zakona BiH);

1. koje se ne može kandidirati u smislu odredbi članova 1.6, 1.7 i 1.7a Izbornog zakona BiH;

2. koje je član najvišeg izvršno-političkog organa političke stranke ili koalicije (predsjednik, potpredsjednik, generalni sekretar ili član izvršnog odbora ili glavnog odbora);

3. koje je nosilac izabranog mandata ili je član izvršnog organa vlasti, osim u slučajevima predviđenim članom 2.12 stav (4) Izbornog zakona;

4. koje je kandidat, ili je bilo kandidat za bilo koji nivo vlasti, na posljednjim općim i posljednjim lokalnim izborima; i

5. kojem je izrečena kazna za radnju koja predstavlja težu povredu izbornih zakona ili propisa za koju je lično odgovorno, u posljednje četiri godine, računajući od dana pravosnažnosti odluke.

Posebni uslovi:

- da ima najmanje srednju stručnu spremu;
- da ima izbornu iskustvo (rad na poslovima kontrolora izbornih rezultata, rad na poslovima supervizora izbornih rezultata, rad na poslovima unosa izbornih rezultata i rad u biračkom odboru kao predsjednik ili član biračkog odbora).

IV Potrebna dokumentacija

1. Prijava na javni oglas (u formi popunjenog obrasca za prijavu kandidata za kontrolora izbornih rezultata - dostupan na web stranici Općine Ilijaš - www.ilijas.ba, kao i u pisarnici (šalter Sali) Općine Ilijaš),

2. Uvjerenje o državljanstvu (original ili ovjerena fotokopija, ne starije od tri (3) mjeseca),

3. Potvrda o prebivalištu (original ili ovjerena fotokopija, ne starija od tri (3) mjeseca),

4. Diploma/svjedočanstvo o završenom školovanju (ovjerena fotokopija),

5. Rješenje/uvjerenje o izbornom iskustvu (original ili ovjerena fotokopija).

V Rok za podnošenje prijava

Rok za podnošenje prijava je petnaest (15) dana od dana objave javnog oglasa na oglasnoj tabli Općine Ilijaš, na web stranici Općine Ilijaš - www.ilijas.ba i sredstvima javnog informisanja.

VI Organ za provođenje postupka

Proceduru izbora kandidata po javnom oglasu provodi Općinska izborna komisija Ilijaš.

VII Ostale informacije

Općinska izborna komisija Ilijaš će, nakon isteka perioda za podnošenje prijava, izvršiti pregled pristiglih prijava, odnosno njihovo bodovanje, kao i intervju sa svim prijavljenim kandidatima koji zadovoljavaju propisane uslove, a nakon čega će biti sačinjena rang lista, na osnovu koje će Općinska izborna komisija Ilijaš izvršiti konačno imenovanje kontrolora izbornih rezultata.

Bodovanje prijavljenih kandidata izvršit će se prema utvrđenim kriterijima, a koji se odnose na izbornu iskustvo kandidata, dok će predmet intervju biti poznavanje odredbi Pravilnika o načinu provođenja izbora u Bosni i Hercegovini ("Službeni glasnik Bosne i Hercegovine", br. 27/22, 66/22 i 71/23).

Imenovani kontrolor izbornih rezultata, da bi bio angažovan, dužan je proći obuku, testiranje i certificiranje koje će organizovati i provesti Centralna izborna komisija Bosne i Hercegovine. Izborna komisija će certificirane kontrolore izbornih rezultata angažovati prilikom provedbe izbora, na poslovima kontrole izbornih rezultata.

Prijavu na javni oglas kandidati dostavljaju u zatvorenoj koverti u sjedište Općinske izborne komisije Ilijaš, putem pošte preporučeno ili lično na protokol Općine Ilijaš, sa naznakom:

Općinska izborna komisija Ilijaš

Ul. 126. Ilijaške brigade br. 6


71380 Ilijaš

„Prijava na Javni oglas za kontrolora izbornih rezultata - ne otvarati“.

Nepotpune i neblagovremene prijave neće se uzeti u razmatranje.

Riječi i pojmovi koji imaju rodno značenje korišteni u ovom dokumentu odnose se jednako na oba roda (muški i ženski).

Broj: 01/1-02-10-5/24OIK
Ilijaš, 29. 04. 2024. godine

Predsjednik Općinske izborne komisije Ilijaš

Mr.sc. Nedim Matoruga, dipl. ing.

